



Indgået

9 OKT. 2018

Inatsisartunut ilaasortaq, Sofia Geisler
Inuit Ataqtigiit
/Maani

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
Box 1060 - 3900 Nuuk

**Kuannersuit pillugu § 37 naapertorlugu apeqquteqaammut nr. 2018/255-
imut akissut, 21.09.2018**

Ulloq: 05-10-2018
Suliaq nr. 2018 -19462

Asasara Sofia Geisler

Postboks 930
3900 Nuuk
Tlf. (+299) 34 68 00
E-mail: asnnn@nanaq.gl
www.govmin.gl

- 1. Kuannersuarni aatsitassarsiortoqalissappat uranitalinnik pīaanermik ilalimmik tamatuma Kuannersuup avataaniittut inuit peqqissusaannut pinngortitamullu akornutaassanngitsoq Naalakkersuisut qulakkeersinnaavaat?**

Kuannersuarni aatsitassanik uranimik akulinnik pīaasoqarnerani, innuttaasut peqqissusaat avatangiisillu, tamanna pillugu aatsitassanut ikummatissanullu inatsimmi, pīaanissamut akuersissummi aamma Naalakkersuisut pisinnaatitsissummik pigisaqartup ingerlatassanut pilersaarutaannut akuersissuteqarneranni aalajangersakkanit illersugaapput. Pisinnaatitsissummik pigisaqartuuvoq Greenland Minerals and Energy A/S (GME).

Ingerlatassat aatsitassanut ikummatissanullu inatsimmi pineqartunut ilaasut, ilanngullugit ilaatigut Kuannersuarni uranimik aamma aatsitassanik allanik qinngornernik ulorianartunik akulinnik pīaaneq, isumannaallisaanermut, peqqinnissamut, avatangiisinut, isumalluutunik atuinnermut aamma inuiaqatigiinni piujuartitsinissamut tunngatillugu isumannaatsumik ingerlanneqassaaq. Tamanna aatsitassanut ikummatissanullu inatsimmi § 1, imm. 2 malillugu pisussaavoq.

GME-p uranimik aamma aatsitassanik qinngornernik ulorianartunik akulinnik allanik pīaanissamut akuersissut malillugu pīaasussanngunnginnerani, GME ilaatigut pīaanissamut aammalu tamatumunnga atatillugu ingerlatassanut pilersaarummik (pīaanissamut pilersaarut) suliaqartussaavoq. Pilersaarut Naalakkersuisunit akuerineqartussaavoq. Tamanna aatsitassanut ikummatissanullu inatsimmi § 19 malillugu pisussaavoq. Naalakkersuisut akuersissuteqarnermi ilaatigut pīaanermut tamatumunngalu atatillugu ingerlataqarnermut atatillugu avatangiisitigut, isumannaallisaanikkut peqqinnissakkullu mianerisassat isumagineqarnissaat pillugu atugassarititaasuni erseqqinnerusuni aalajangersaassapput. Naalakkersuisut taamaaliornissamut inatsimmi tunngavissaanni ilaatigut aatsitassanut

ikummatissanullu inatsimmi § 86, imm. 1, tamannalu pillugu akuersissummi atugassarititaasut, malinneqartussaapput.

GME ilaatigut aamma ingerlatat unitsinneqarnerani piiianermik suliaqarnerit matunissaannut pilersaarummik (matusinissamut pilersaarut) suliaqartussaavoq. Matusinissamut pilersaarut ilaatigut sumiiffiit kalluarneqartussat qimanneqarnissaannut pilersaarummik imaqtartussaavoq, aammalu sanaartukkat ilaalu ilanngullugit piiarneqassanersut isummerfigineqartussaalluni. Sumiiffinni sanaartukkat ilaalu ilanngullugit, avatangiisitigut, peqqinnissakkut imaluunniit isumannaallisaanermik pissuteqartumik aserfallatsaaliorneqartariaqartut imaluunniit matusereernerup kingorna allanik iliuuseqarfigineqartariaqartut aammalu alapernaarsuiffineqartariaqartut (avatangiisini alapernaarsuineq), qimanneqarnissaat pilersaarutigineqartat, matusinissamut pilersaarut aserfallatsaaliuinissamut imaluunniit iliuusissanut taakkualu alapernaarsorneqarnissaannut (avatangiisini alapernaarsuineq) pilersaarummik imaqtartussaavoq. Matusinissamut pilersaarut piiianermi ingerlatat ineriartornerannut aammalu inuiaqatigiinni kalaallini ineriartornermut tunngatillugu nutarterneqarsimasussaavoq. Matusinissamut pilersaarut Naalakkersuisunit akuersissuteqarfigineqartussaavoq. Matusinissamut pilersaarutip akuersissuteqarfigineqarnerani Naalakkersuisut ilaatigut ingerlatat unitsinneqareernerisa kingorna avatangiisinik, isumannaallisaanermik peqqinnissamillu mianerinninnissaq eqqarsaatigalugu isumaginninnissaq pillugu atugassarititaasunik aalajangersaasussaapput, ilanngullugu matusereernerup kingorna piffissami sumiiffimmi alapernaarsuinissaq. Naalakkersuisut taamaaliornissamut inatsimmi tunngavissaanni, ilaatigut aatsitassanut ikummatissanullu inatsimmi § 43 aamma § 86, imm. 1, aammalu tamanna pillugu akuersissummi atugassarititaasut, malinneqartussaapput.

Pilersaarutini piiianermi ingerlatat tamatumunngalu atatillugu ingerlatat isumannaallisaanermut, peqqinnissamut, avatangiisinut, isumalluutinik atorluanaanissamut aamma inuiaqatigiinni piujuartitsinissamut tunngatillugu isumannaatsumik suliarineqarnissaasa, qulakkeerneqarnissaat ataatsimut isigalugu siunertaavoq.

Aatsitassanut ikummatissanullu inatsit aamma avatangiisini, silap pissusaani pinngortitamilu allanngutsaaliuinissaq pillugu aalajangersakkani immikkuullarissunik imaqtarpoq. Aalajangersakkani ataatsimut isigalugu avatangiisini, silap pissusaani aamma pinngortitami illersueqataanissaq siunertaavoq, taamaalilluni inuiaqatigiinni ineriartorneq aamma piiianermik ingerlataqarneq, inuit atugarisaat ataqqillugu aammalu uumasut naasullu piujuartinneqarnissaat eqqarsaatigalugu, piujuartitsisumik tunngaveqartumik pisinnaassallutik. Maleruagassani, mingutsitsinermik allatigullu avatangiisini, silap pissusaani pinngortitamilu sunniinerlunnissamik, aatsitassanik piiianerup tamatumunngalu atatillugu ingerlataqarnerup malitsigisaanik

pilersinnaasumik pitsaaliuinissaq, killilersimaarinissaq akiuiniarnissarlu naliginnaasumik siunnerfigineqarpoq. Avatangiisini, silap pissusaani pingortitamilu allanngutsaaliuinissaq pillugu aalajangersakkat aatsitassanut ikummatissanullu inatsimmi kapitali 13-15-imi takuneqarsinnaapput.

Aatsitassanut ikummatissanullu inatsimmi § 73 malillugu aatsitassanik, ilanngullugu ilaatigut uranimik allanillu aatsitassanik qinngornernik ulorianartunik akulinnik, piiaanissamut akuersissut aamma akuersissuteqarneq, piiaanermik suliaqarnerup avatangiisini sunniinissaannik nalilersuisoqarsimappat (VVM-imik nalilersuineq), aammalu tamatumunnga nassuiaammik suliaqartoqarsimappat (VVM-imut nassuiaat) aatsaat tunniunneqarsinnaapput. VVM-imik nalilersuineq aamma VVM-imut nassuiaat tamatuma saniatigut Naalakkersuisunit akuersissuteqarfigeqartussaapput.

Aatsitassanut ikummatissanullu inatsimmi § 76 malillugu ingerlatassamut, inuiaqatigiinni pissutsinut annertuumik sunniisinnaasussat ilimagineqartariaqartumut akuersissut aamma akuersissuteqarneq, aatsaat ingerlatassap suliarineqarnerani inuiaqatigiinni piujuartussamik sunniutaasussanik nalilersuisoqarsimappat (VSB-imik nalilersuineq), aammalu tamatumunnga nassuiaammik suliaqartoqarsimappat (VSB-mut nassuiaat), tunniunneqarsinnaapput. VSB-mik nalilersuineq aamma VSB-imut nassuiaat tamatuma saniatigut Naalakkersuisunit akuersissuteqarfigeqartussaapput.

VVM-mik nalilersuineq, VVM- imut nassuiaat, VSB-mik nalilersuineq aamma VSB- imut nassuiaat pillugit aalajangersakkani ataatsimut isigalugu siunertaavoq, piiaanermik suliaqarsimappat sunniutigisinnaasaasa paasinarsisinneqarnissaat, ilanngullugu pingaartumik isumannaallisaaneq, peqqinnissaq aamma avatangiisit eqqarsaatigalugit. Nalilersuinerit aamma nassuiaatit, piiaanermik suliaqarneq ataatsimut isigalugu ilaatigut isumannaallisaaneq, peqqinnissaq avatangiisillu eqqarsaatigalugit isumannaatsumik ingerlanneqarsinnaanersoq, qulakkeereqataasussaapput.

Tamatuma saniatigut Naalakkersuisut oqaatigineqareersutut ilaatigut isumannaallisaanerup, peqqinnissap, avatangiisit aamma inuiaqatigiinni piujuartitsinissap mianerineqarnissaasa isumagineqarnissaa qulakkeerniarlugu, piiaanermik suliaqarnissamut atugassarititaasunik ingerlaavartumik aalajangersaanissamik periarfissaqarput.

2. Kuannersuarni aatsitassarsiortoqalissappat uranitalinnik piiaanermik ilalimmik pissuteqartumik Kuannersuup avataaniittut innuttaasut napparsimalissagaluarpata Naalakkersuisut akisussaasunngortinneqassappat taarsiisussanngortitaassallutillu?

Aatsitassanut ikummatissanullu inatsit malillugu, ingerlatanut piiaanissamut akuersissummi pineqartunut ilaasunut akisussaasuusoq aammalu taarsiinissamut akisussaasuusinnaasoq tassaavoq akuersissut

malillugu pisinnaatitsissummik pigisaqartoq aammalu inuit suliffeqarfillu pisinnaatitsissummik pigisaqartut sinnerlugu, ingerlatanik akuersissummi pineqartunut ilaasunik, suliarinnittuusimasinnaasut.

Greenland Minerals and Energy A/S (GME) uranimik allanillu aatsitassanik qinngornernik ulorianartunik akulinnik paaanissamut akuersissut malillugu pisinnaatitsissummik pigisaqartut, ataatsimut isigalugu paaanissamut akuersissummi pineqartunik ingerlataqarnerup malitsigisaanik, ajoqusiinernut annaasaqarnernullu akisussasuusaaq.

Aatsitassanut ikummatissanullu inatsit, siullermik avatangiisini ajoqusiinermut akisussaasuuneq pillugu, aalajangersakkanik imaqarpoq. Avatangiisini ajoqusiineq nalinginnaasumik paasineqartarpoq, ajoqusiineq nunami, imaani, immap naqqani, nunap iluani, imermi imaluunniit silaannarmi mingutsitsinikkut pilersinneqartoq. Avatangiisini ajoqusiinermut akisussaasuunermi, aamma paaanissamut akuersissut malillugu ingerlataqarnermut atatillugu, silap pissusaanut tunngasuni imaluunniit pinngortitami mingutsitsineq aammalu allatigut sunniinerlunnerit, pineqartunut ilaatinneqarput. Aalajangersakkat aatsitassanut ikummatissanullu inatsimmi kapitali 14-imiipput.

Aatsitassanut ikummatissanullu inatsimmi § 92 tamatuma saniatigut ingerlataqarnerup paaanissamut akuersissummi pineqartunut ilaasup malitsigisaanik, ajoqusiinernut annaasaqarnernullu pisinnaatitsissummik pigisaqartup taarsiinissamut akisussaaffeqarnera pillugu, aalajangersakkanik imaqarpoq.

GME-p, aallaaviatigut ajoqusiineq peratarsinnaagaluartoq, ingerlataqarnerup paaanissamut akuersissummi pineqartunut ilaasup malitsigisaanik, ajoqusiinerit annaasaqarnerillu taarsertussaavai. Taarsiinissamik akisussaaffeqarnermi ilaatigut pineqartunut ilaapput, allatigut inunnik ajoqusiineq aamma pilersuisumik annaasaqarneq, kiisalu avatangiisini, silap pissusaani pinngortitamilu mingutsitsinermik allatigullu sunniinerlunnernik pitsaaliuinerimut, killilersimaarinerimut, akiuiniarnerimut iluarseeqqinnermullu aningaasartuutit naleqquttut. Tamanna aatsitassanut ikummatissanullu inatsimmi §§ 68 aamma 92 malillugit pisussaavoq.

Sumiiffimmi Kuannersuit eqqaanniittumi innuttaasooq, uranimik aamma aatsitassanik allanik qinngornernik ulorianartunik akulinnik paaanissamut akuersissut malillugu ingerlataqarnerit GME-mit imaluunniit taanna sinnerlugu suliarineqartut malitsigisaannik inuttut ajoquserneqarpat imaluunniit pilersuisuminik annaasaqarpat, GME nalinginnaasumik inuttut ajoqusiinermut aamma inuttut ajoqusiinerup malitsigisaanik annaasaqarnermut innuttaasumut taarsiinissamut akisussaasuusaaq. Nappaat pineqartoq inuttut ajoqusiinertut isigineqarsinnaappat, aatsaat GME nalinginnaasumik napparsimanermut innuttaasumut taarsiinissamut akisussaasuusaaq. Nappaatit nalinginnaasut, inuttut ajoqusiinertut

isigineqarsinnaangitsut, GME-p taarsiinissamut akisussaasuunerani pineqartunut, ilaassanngillat.

3. Kuannersuarni aatsitassarsiortoqalissappat uranitalinnik piiiarnermik ilalimmik taava Narsarmiut manna tikillugu illuutitut suliffeqarfinnullu aningaasaliisimasut taarsiiffigineqarnissartik naatsorsuutigissavaat?

Apeqqummut 2-imut akissuteqaammi matuma siuliani oqaatigineqartutut, Greenland Minerals and Energy A/S (GME) uranimik allanillu aatsitassanik qinngornernik ulorianartunik akulinnik piiiannissamut akuersissut malillugu pisinnaatitsissummik pigisaqartutut, nalinnaasumik ingerlataqarnerup piiiannissamut akuersissummi pineqartunut ilaasup malitsigisaanik, ajoqusiinernut annaasaqarnernullu akisussaasuusaaq.

Aatsitassanut ikummatissanullu inatsit siullermik avatangiisini ajoqusiinernut akisussaasuuneq pillugu aalajangersakkanik imaqqarpoq. Avatangiisini ajoqusiineq nalinnaasumik paasineqartarpoq, ajoqusiineq nunami, imaani, immap naqqani, nunap iluani, imermi imaluunniit silaannarmi mingutsitsinikkut pilersinneqartoq. Avatangiisini ajoqusiinermut akisussaasuunermi, aamma piiiannissamut akuersissut malillugu ingerlataqarnermut atatillugu, silap pissusaanut tunngasuni imaluunniit pinngortitami mingutsitsineq aammalu allatigut sunniinerlunnerit, pineqartunut ilaatinneqarput. Akisussaasuunermi tamatuma saniatigut pineqartunut ilaapput nipiliornikkut, sajuppillatsitsinikkut, kissamik, qaamanermik assigisaannilluunniit akornusersuinerit. Aalajangersakkat aatsitassanut ikummatissanullu inatsimmi kapitali 14-imiipput.

Aatsitassanut ikummatissanullu inatsimmi § 92 tamatuma saniatigut, ingerlataqarnerup piiiannissamut akuersissummi pineqartunut ilaasup malitsigisaanik, ajoqusiinernut annaasaqarnernullu pisinnaatitsissummik pigisaqartup, taarsiinissamut akisussaaffeqarnera pillugu, aalajangersakkanik imaqqarpoq.

GME-p aallaaviatigut, ajoqusiineq peratarsinnaagaluartoq, ingerlataqarnerup piiiannissamut akuersissummi pineqartunut ilaasup malitsigisaanik, tamatumunnga atatillugu ajoqusiinerit annaasaqarnerillu taarsertussaavai. Taarsiinissamut akisussaasuunermi pineqartunut ilaapput, ilaatigut inunnik ajoqusiineq aamma pilersuisumik annaasaqarneq, pigisanik ajoqusiineq, allanik pisuussutinik annaasaqarneq kiisalu avatangiisini, silap pissusaani pinngortitamilu mingutsitsinermik imaluunniit allatut sunniinerlunnermik pitsaaliuinnermut, killilersimaarinnermut, akiuiniarnermut iluarseeqqinnermullu aningaasartuutit naleqquttut. Tamanna aatsitassanut ikummatissanullu inatsimmi §§ 68 aamma 92 malillugit pisussaavoq.

Inuup imaluunniit suliffeqarfiup uppersarsinnaappagu, ingerlataqarnerit pianaissamut akuersissummi GME-mut tunniunneqarsimasumi pineqartunut ilaasut malitsigisaannik ataasiarluni arlaleriarluniluunniit taaneqartut arlaannit ajoquserneqarsimalluni annaasaqarsimalluniluunniit, GME aallaaviatigut inummut imaluunniit suliffeqarfimmuut pineqartumut taarsiinissamut akisussaasuusaaq.

Taamaattoq pisuni allani GME nalinginnaasumik inunmut suliffeqarfimnullu, ulloq manna tikillugu sumiiffimmi pigisani aalaakkaasuni imaluunniit suliffeqarfimmi ingerlatani aningaasaliisimasunut, taarsiinissamik akisussaasuussanngilaq.

4. Kuannersuarni aatsitassarsiortoqalissappat uranitalinnik piaanermik ilalimmik taava Narsap avataani najugaqartut, nunalerinermillu inuussutissarsiuteqartut, taarsiiffigineqarnissartik naatsorsuutigissavaat?

Apeqqummut 3-imut akissut takuuk.

5. Apeqquut 4 aappiuppat: Kuannersuarni aatsitassarsiortoqalissappat uranimik piaanermik ilalimmik Narsap avataani najugaqartut nunalerinermillu inuussutissarsiuteqartut taarsiiffigineqarnissartik naatsorsuutigissagunikku qanoq Narsamut qanitsigisumi najugaqassappat?

Apeqqummut 3-imut akissut takuuk.


6. Kuannersuarni aatsitassarsiortoqalissappat uranimik piaanermik ilalimmik taarsiiffigineqarnissaminnik naatsorsuuteqarsinnaasut tassaannerpat suliffeqarfiit inuilluunniit ataasiakkaat?

Naamik. Inuit imaluunniit suliffeqarfiit, Kuannersuarni eqqaanilu uranimik allanilluunniit aatsitassanik qingornernik ulorianartunik akulinnik piaanerup malitsigisaanik ajoqusiinermi imaluunniit annaasaqarnermi taarsiivigineqarnissamik pisinnaatitaasinnaasut, aalajangersimasuinnaanngillat. Inuit imaluunniit suliffeqarfiit kikkulluunniit, pianaissamut akuersissut malillugu ingerlataqarnerup malitsigisaanik taarsiivigineqartussaataasunik ajoquserneqarsimallutik imaluunniit annaasaqarsimallutik uppersarsinnaasut, aallaaviatigut taarsiivigineqarnissamik pisinnaatitaassapput. Taamaattoq taarsiinissamut piumasaqaatit nalinginnaasut naammassineqarsimanissaat piumasaqaataavoq. Apeqqummut 3-imut akissut takuuk.

7. Apeqquut 6 aappiuppat: Kuannersuarni aatsitassarsiortoqalissappat uranimik piaanermik ilalimmik taarsiiffigineqarnissaminnik naatsorsuuteqarsinnaasut kikkuppat?

Apeqqummut 6-imut akissut takuuk.

Inussiarnersumik inuulluaqqusillunga



Erik Jensen